



PAMFLET

264





Vandē Payse / Verbon-
tenisse ende Vnie, gemaeckt / besloten ende be-
vestight / tusschen de Staten van Brabant / Vlaenderen / Ar-
tups etc. Representerende de Provintien vanden Nederlan-
den: Ende den Hoochghebozen Vorst ende Heere de Prince
van Orangien / Grave van Nassou / Vianden / etc. met de
Staten van Hollandt / Zeelandt / ende haere Gheassoci-
eerde / door de Gedeputeerden over weder zijden ge-
committeert: Besloten ende gheacordeert tot
Ghendt / opten viij. Novembrij. 1576.




Nae de Copye.

Ghedruckt tot Delft, Anno M. D LXXVI.


KONINKL.
BIBLIOTHEEK
TE SHAGE.

264

1.



COPIE.



Allen den ghenen die dese te-
ghenwoordige Lettren sullen sien
oft hoozen lesen Saluyt: Alsoo de
Landen van Herwaerts over de
sestleden neghen oft thien Jaeren
door d'Inlandsche Oorloge hooch-
veerdighe ende rigoureuze regierin-
ghe/moerwillicheyt roovinge ende
andere ongheregheltheden vande
Spaengiaerden en heure adherenten gevallen zijn in groo-
te miserie ende ellendicheydt ende dat omme daer teghens te
versiene ende te doen cessereren alle voordere troubles/ oppres-
sien ende armoede vande voorsz Landen/ by middele van een
vaste Vrede ende Pacificatie/ hebben inde Maent van
Februario/ int Jaer xv. Lxxiii. ghecommitteert ende ver-
gaert ghesceest tot Breda Commissarissen van zijne Ma.
ende vanden Heere Prince van Orangien/ Staten van Hol-
landt/ Zeelandt/ ende haere Ghesassieerde by de welcke ge-
proponeert zijn gheweest diverse middelen ende presenta-
tien/ dienende grootelick tot vorderinge vande voorsz Paci-
ficatie/ Soo en is nochtans daer op niet ghevolcht die ver-
hoopte vruchtbaerheyt/ Maer ter contrarie ghedupzende de
hoope van vertroostinghe ende middelen van goedertieren-
heyt van zijne Ma. hebben de voorsz Spaengiaerden hun
dagelick meer verbordeert de arme Onderlaten te overvallen/
verderben/ende in ewige slavernije te brengen/ sonder hem
te vermijden diverse murtherije te makē/ Heeren ende Ste-
den te dreyghen/ ende vele plaetsen vpanlick inne te nemen/
te rooven ende te branden/ daer door naer dien byden Ge-
committeerden totten Goubernemente vanden Lande/ ver-
A ij claert

claert zijn gheweest Vpanden van zijne Ma. ende bande ges-
meyne welbaren/ de Staten van Herwaerts obere/ met con-
sente vande voorsz Ghecommitteerden/ ghedrongen zijn ge-
weest de Wapenē te nemen: Ende daer beneffens om voorsz
der der eewighe verderffnisse te verhoeden/ ende dat d' In-
ghesetenen van alle dese Nederlanden in eene vaste Vrede en
Accorde vereenicht wesende/ ghesamentlick soudē doen ver-
trecken de voorsz Spaengiaerden ende hun aenhangheren/
Landt-schenders / ende die wederom te stellen in ghebruick
van heure oude Rechten/ Privilegien/ Costumen ende Vry-
heden/ mits welcken neeringhe ende welbaren inde selve we-
deromme soude mogen keeren. Soo ist dat by voorgaenden
Aggreatie vanden voorsz Heeren gecommiteert totten Gou-
vernemente vande Lande/ volghende den Vrede handel tot
Vreda begoft ter eeren Godes ende dienst van zijne Ma. tuf-
schen de Prelaten/ Edelen/ Steden ende Leden van Bra-
bant/ Vlaenderen/ Artoys/ Henegouwen/ Valenchijn/ Lijlle
Douwape/ Orchies/ Namen/ Doornick/ Utrecht ende Me-
schelen/ Representerende de Staten vanden selve Landen:
Ende den Heere Prince van Orangien/ Staten van Hol-
landt/ Zeelandt/ ende heure Geassocieerde/ door Commissa-
rissen ober beyden zijden respectivelijck gedeputeert Te we-
ten d' Verweerdighe Heere Heer Jan vander Linden Abt
van S. Geertruyt tot Roeben/ Heer Ghislapn Abt van S.
Peters tot Gent/ Heer Mathews Abt van S. Ghislapn ge-
cozen Bisschop van Atrecht/ Heer Jan de Bmol Heere van
Getingen/ Heere Franchois van Halewijn Heere van Zwe-
neghem Gouverneur ende Capiteyn van Audenaerde ende
Commissaris totte verniewing vande Wetten van Vlaen-
deren/ Heere Chaerle van Gaure Heere van Fresin/ Rid-
ders/ Heere Elbertus Leoninus Doctor ende Professoz inde
Rechten inde Universteydt van Roeben/ M. Pieter de Be-
veren Raedt van zijne Co. Ma. in Vlaenderen/ ende Heer
Quintijn

Quintijn du Preez Hooft der Schepenen der Stadt van Bergen in Henegouwen / met Jan de Pennans Raedt van zijne Ma. ende Meester van zijne Rekencamer in Brabant / gecommitteert voor heurlieder Ger. Secretaris van wegen der voornoemde Staten van Brabant / Vlaenderen / Henegouwe / etc. Heere Philips van Garnier Heere van S. Aldengonde / Aernoldt van Dorp Heere van Teemsche / Willem van Zuplen van Rijbelt Heere van Heeraertberge / Schiltknapen / Heere Adriaen vander Hyle Doctor inde Rechten / ende Raedt neffens zijne Excellentie ende inden Raedt Provinciael van Hollandt / Meester Cornelis de Coninck Licentiaet en mede Raedt neffens zijne Excellencie / Meester Pouwels Buys Advocaet vanden Lande van Hollandt / Meester Pieter de Rijcke Balliu van Vlissinge / Anthonis vande Zickelen Raede van Zeelant / ende Andries de Jonge Burghemeester van Middelburgh / van wegghen des voorsz Heere Prince / Staten van Hollandt / Zeelandt / ende Gheassocieerde / naer twijsen van haere Commissien / int eynde van desen gheinsereert / dit teghenwoordich Tractaet opgericht ende ghemaect is / besluypen tusschen de voorsz Partijen ende Landen een eeuwighe vaste Vrede / Verbandt / ende eenicheyt / onder de Voorwaerden ende Conditien hier na volghende.

I.

Gerst dat alle Officien / Injurien / Misdaeden / ende Welchardicheden / geschiet ter saken vanden troublen / tusschen de Inghesetenen vande Provincien die in't tegentwoordich Tractaet ghecomprehendeert zijn / soo waer ofte in wat manieren datiet zy : Sullen vergheben / verghten / ende gehouden zijn als niet gheschiet / sulcx datter oorsaecke van dien ten ghenen tijden mentie ghemaect oft yemandt aenghesproken en sal moghen worden.

II.

Al tij

Dien

Dien volgende/ beloven die voorsz Staten van Brabant
Blaenderen/ Henegouwe/ etc. Mitsgaders mijn Heere Prin-
ce/ Staten van Hollandt ende Zeelandt/ met heurlieder Ge-
associeerde onghewepensdelijck ende in goeder trouwen van
nu voortaan onderhouden/ ende onder d' Inghesetenen van
den Lande te doe onderhoudē/ een vaste ende onverbzckelic-
ke Vriendtschap/ ende Vrede: Ende in sulcken voeghen elc-
kanderen t' allen tijden / ende in alle occurrenten by te staene/
met raedt ende daet/ goet ende bloet: ende insonderheyt ont-
wt den Lande te verdrjyven / ende daer buyten te houden de
Spaensche Soldaten/ ende ander Verheemsche ende Vrem-
de/ ghepoecht hebbende buyten wege van rechte/ de Heeren
ende Edelen t' leven te benemen/ die Rijckdom vanden Lan-
de tot hemwaerts t' applicueren/ ende die Ghemeente voorts
in eewighen slavernije te brenghen ende te houden. Omme
ten welcken eynde alles anders te surveni wes noodich wert
ter resistentie vanden ghenen die hemlypden hierinne metter
daet souden willen contrarieren die voornoeinde Bontghe-
nooten ende ghealligeerden / Oock beloven hem bereet ende
volveerdich te laten binden t' allen nootlickē ende redelicken
contributien ende impositien.

III.

Daerenboven is geaccoordeert dat terstont nae t' vertreck
vande Spaengiaerdis/ ende heure adherenten/ als alle saec-
ken in ruste ende versekertheyt sullen zijn / sullen beyde de
partijen ghehouden zijn te procureren ende beneerstigen die
Convocatie ende Vergaderinghe vande Generale Staten/
inder forme ende maniere als gheschiet is ten tijden / als wij-
len Hoochloffelijcke memorie Keyser Caerle d' opdracht ende
transpoozt dede van dese Erf-Nederlanden in handen van
de Co. Ma. onsen genadichsten Heere/ Omme te stellen Or-
dene inde saecken vanden Lande int generael ende particu-
lier/ soo wel aengaende t' seydte ende exercitie vande Religie in
Hollandt/

Hollandt/ Zeelandt/ Bommel/ ende Geassocieerde plaetsen/
restitutie van Sterckten/ Artillerijen/ Schepen ende andere
saken den Coninck toe behoorende / gheduerende de voorsz
troubelen by die van Hollandt ende Zeelandt ghenomen/ als
anderlins/ so ten dienste van zijne Ma. Welvaert ende Unie
vande Lande men sal bebinden te behooren. Waer inne
noch van d'eene noch van d'ander zijde eenich tegenleggen
ofte belet/ dilay/ noch wtstal en sal moghen ghedaen worden/
niet meer ten opsiene van d'Ordonnantie/ Wtspaken/ ende
Resolutien die aldaer sullen gheschieden ende gegeven wor-
den / dan inde exemptie van dien/ hoedanich die souden mo-
ghen wesen: Waer inne die beyde partijen hemluyden gaut-
schelick ende ter goeder trouwe submitteren.

III.

Dat van nu voortaan d'Inwonderen ende Onderlaten
van d'eene ende van d'andere zijde/ van wat Lande van her-
waerts obere/ ofte van wat staete/ qualiteyt/ ofte conditie hy
zy/ ober al sullen mogen hanteren/ gaen ende keeren/ woonen
ende traficqueren/ Coopmans-gewijs ende anderlins/ in alle
bypdom ende versekerthept. Wel verstaende dat niet geoor-
loft ofte toeghelaten sal zijn/ die van Hollandt/ Zeelandt/ ofte
andere/ van wat Lande/ conditie ende qualiteyt hy zy/ yet te
actenteren herwaerts obere / bypten die voorsz Landen van
Hollandt/ Zeelandt/ ende Gheassocieerde plaetsen/ teghens
de ghemeene ruste ende Vrede / sonderlinge teghens die Ca-
tholijcke Roomsche Religie ende exercitie van dien / noch pe-
mant ter cause van dien te injurieren/ irriteren/ met woorden of-
te met wercken noch met gelijcke acten te schandeliseren/ Op-
pene van ghestraft te worden als parturbateurs vande ghe-
meene ruste/ andere ten exemple.

V.

Ende op dat middeler tijt niemant lichtelijcken en staet tot
eenighen begrijp/ captie/ ofte Perijcule / sullen alle Placcaten
hier

hier voortijts ghemaect ende gepubliceert opt stuck vande heresien :mitsgaders die Criminele Ordonnatie byden Hertoghe van Alba ghemaect/ende t'gevolch ende executie van dien/gesuspendeert worden/ tot dat byde Generalen Staten anders daer op geordonneert zy: Oock wel verstaende dat ter gheen schandale ghebeure in manieren voorsz.

VI.

Dat mijnen Heere de Prince sal blijven Admirael generael vander Zee/ende Stathouder van zijne Ma. van Hollandt/ Zeelandt/ Bommel/ende andere Geassocieerde plaetsen / omme in als te ghebieiden/ soo de selve jeghenwoordelick doet/ met de selve/ Officieren/ Justicieren/ofte Magistraten/ sonder eenighe veranderinghe ofte innovatie / ten zy by zijn consent ende wille / ende dat over de Steden ende plaetsen/ die zijn Excell. nu ter tijt is houdende/ tot dat byde Generale Staten/naer t'vertreck vande Spaengiaerden/anders gheordonneert zy.

VII.

Maer belangende de Steden en plaetsen begrepen onder de commissie vande Co. Ma. by hem ontfanghen/ die jeghenwoordich onder t'ghebiet ende ghehoorsaemheyt van zijne Excell. niet en staen/ sal dit punct geschozt blijven/ ter tijt ende wijle de selve Steden ende Plaetsen hem metten anderen Staten ghevoeght hebbende tot desen Onie ende Accordt/ zijn Excell. hemluyden sal ghegheben hebben satisfactie opte punckten/ daer inne syluyden hen soudē vinden gheinteresseert onder zijn Gouvernement/ t' sy ten opsiene vande exercitie vande Religie ofte andersins / op dat de Provintien niet gedemembzeert en worden/ ende omme alle twist ende tweedracht te schouwen.

VIII.

Ende sullen middeler tijt gheene Placcaten/ Mandamenten/ Provisten/ nochte Exploicten plaetse hebben inde voorsz
Landen

Landen ende Steden byde voorsz Heere Prince gheregeert/
dan die geene by zijne Excel. ende byden Raeden/Magistra-
ten ende Officiers aldaer gheapprobeert ofte ghedecerneert/
sonder prejuditie door den toecomenden tijde van de resorten
van den grooten Raeden van zijne Majesteit.

IX.

Is mede ondersproken/dat alle ghevanghenen ter saecke
vanden voorszeden troublen/namentlick de Grave van Bos-
su/sullen by ende los gelaeten worden sonder rantsoen te be-
taelen/maer wel der vanchenisse costen/ten waere nochtans
dat die rantsoenen voorsz datum van desen betaeldt/ ofte daer
van overcommen ende gheacordeert waren.

X.

Is voorts veracordeert dat de voorsz Heere Prince / ende
alle andere Heeren/Riddersen/Edelluyden/ pertienliere Per-
soonen ende Onderlaten/vā wat state conditie ofte qualiteyt
die zijn: Mitsgaders heurlieder Weduwen/Doubaigieren/
Kinderen ende Erfghenamen/ van d'eene ende van d'ande-
re zijde/gherestitueert zijnde in heurlieder goeden name ende
samen: Ende sullen dock mogen aenbaerden ende die posses-
sie aennemen van alle haere Heerlickheden/goeden preroga-
tijven/actien ende crediten/die niet vercocht ofte niet ghealie-
neert en zijn / in sulcken state als die voorsz goeden nu tegen-
woordich zijn/Ende te dien effecte sy alle deffaulte/contuma-
cien/arresten/sententien/saissementen ende executien gheghe-
ben ende ghedaen sichten den aenbanck vanden troublen
inden Jaere xv. Lxvi. soo wel om saecke vande Religie/ als
om t'aennemen vande Wapenen / met t'ghene daer nae ge-
volght is/ ghecasseert/ gherevocateert/doot/ende te niette ghe-
daen/Ende sullē de selve/ mitsgaders alle schriftelijcke proce-
dueren/accitaten te dien geschiet/verniet ende inde Registers
gheropeert worden / Sonder dat noodich sy hier toe ander
bescheyt te nemen ofte provisie te verwerven / dan dit tegen-
woordich

Tractaet: Niet teghenstaende eenighe incorporatie/rechten/
costumen/privilegien/prescriptien/soo wel legale/conventio-
nale/coustumirie als locale/noch eenighe andere exceptien ter
contrarie / de welcke desen ende alle andere saecken de voorsz
troubelen aengaende / sullen cassen/ ende egheene stede heb-
ben / als tot dien by desen (soo verre als noot is) specialicken
gederogeert wesen / Oock mede de rechten disponerende dat
generale derogatie niet en is sonder precedente specificatie.

XI.

Wel verstaende dat hier onder begrepen sullen zijn / ende
dit teghenwoordich benefitie ghenieten/ mijn Ghenadichste
Vrouwe de Gheselnede des Doorzuchtichsten Cheurvorst
vanden Rhijn/ eertijds achtergelaten Weduwe des Heeren
van Bredenoede / Soo veel aengaet Vianen ende andere
goederen daer haere Cheurvorstelijcker G. ofte actie vā haer
hebbende/toe gherechticht is.

XII.

Insgelijck sal hier inne begrepen wesen de Grabe vā Bue-
ren/soo veel aengaet de Stadt/ Slodt/ende Lande vā Bue-
ren/ ommie die selve byden voorsz Heere Grabe / by vertreck
van Gernisoene / ghebruyckt te worden als zijn eyghen toe-
behoorte.

XIII.

Ende sullen te niere ghedaen ende afgheworpen worden
de Pilaeren/ Tropheen/ Inscriptien/ende andere tepcken
byden Hertoghe van Alba ghedaen/rechten tot schande en-
de blamatie soo vande boven-ghenoemde als van allen an-
deren.

XIII.

Aengaende de vruchten vande voorsz Heerlijcheden ende
goederen t' verloop ende die verachterheden vande donna-
rien tochten/pachten/chijnsē ende renten/ so op den Coninc/
Landen/ Steden ende allen andere/ die vooz datum van de-
sen

sen verschenen / ende nochtans niet betaelt ofte ontfanghen
en zijn / by zijne Ma. ofte zijns actie hebbende / die sal elck in t'
zijne moghen ghenieten ende ontfanghen.

XV.

Wel verstaende dat al t' gheene datter gheballen is / soo wel
vande voorsz Erfgoeden / renten / als alle andere goeden sich-
tent S. Jans misse / Anno LXXvi. lesleden / sal blijven ten
proffite vanden genen hun recht hebbende / Niet tegenstaen-
de dat daer af by den Ontfangher vande confiscatie oft an-
dere yet ontfanghen ofte gheimmet waere / daer af in sulcken
ghevalle restitutie gheschieden sal.

XVI.

Maer by so verre eenige Jaerscharen vande voorsz pach-
ten / renten / ofte andere innecomen van t' Coninc wegen / by
titule van confiscatie aengheslaghen ende geheven waeren /
soo wert elcke over ghelijcke Jaerscharen by / los ende quijt
ghehouden vande reele lasten ende opstal wt zijn goeden
gaende : Soomen soek t' allen tijden insghelijc by / los / ende
quijt ghehouden sal zijn van allen renten / staende opte Lan-
den ende goeden diemen midts de voorsz den trouwen niet en
heeft coninc ghebruycken / in alles naer raete vanden tijde
dat t' selve belet ende onghebruyckt / wt oorsaecke voorsz ghe-
beurt is.

XVII.

Opende de Hupsathelen ende andere meublen die aen
beyden zijden te niere ghedaen / vercocht / ofte anders ghealie-
neert zijn / daer af sal niemant eenich verhael hebben.

XVIII.

Ende aengaende die Erfgoeden / Hupsen / ende Rentten /
die by titule van confiscatie vercocht ofte gealieneert zijn / Die
generale Staten sullen in elcke Provintie / ende wt die Sta-
ten vanden selven deputeren Commissarissen / omme kennis-
se te nemen vande zwaricheden / indiender eenighe vallen /

B ij omme

omme redelicke satisfactie te doen/so wel aen d'oude Proprietarissen als aen die Coopers ende vercrijghers vande voorsz goeden en renten/voor hun regres ende evictie respectivelick.

XIX.

Van ghelijcken sal gheschieden noopende t' verloop vande personele renten ende obligatien / ende alle andere pretensie / clachten / ende doleantien / als de gheinter resseerde ter oorszsaecke vande troublen / sullen naemaels aen weder zinden willen intenteren ende voorszstellen in wat manieren datter zij.

XX.

Dat alle Prelaten ende alle andere Gheestelijcke personen / wiens Abdijen / Risten / fondatien ende residentien buyten Hollandt ende Zeelandt ghelegghen / ende nochtans binnen de selve Landen ghegoet zijn / sullen weder omme comen inden eyghendomme ende int gebruyck vande selve haere goederen als vooren / ten opsiene vanden Waerlijcken.

XXI.

Maer wat belanghet de Keligieuze ende andere Gheestelijcke die binnen den voorsz twee Provincien ende haere Gesassioneerde gheprofessijt ofte gheprebendeert / ende daer wi ghebleven ofte ghetrocken zijn / gheimerckt dat den meestendeel van heure goeden ghealieneert zijn / Den selven salmen van nu voortaan verstrecken redelicke alimentatie neffens de gheblevene / ofte anders sal hun mede toeghelaten worden t'gebruyck van haere goeden / ter verkiefsinghe nochtans vande Staten / alles by provisie ende tot anderstont op hun voorder pretensie by de Generale Staté verordent sal wesen.

XXII.

Voorts is gheacordeert dat alle giften / exheridatien ende andere disposicien inter vivos vel causa mortis by particuliere ende private persoonen ghedaen / daer by de gherechte Erfghenamen ter saecke vande voorsz troublen ofte vande Keligie van heure gherechtighs successie verstecken / vermindert
ende

ende onterft zijn/ wt crachte van desen/ gehouden sullen wor-
den als ghecasseert ende van gheender waerden.

XXIII.

Ende alsoo die van Hollandt ende Zeelant om die costen
vander Oorloghe beter te vervallen alle specien van goudt
ende Silver ten hooghen prijse ghestelt hebben/ die sy in an-
dere Provincien niet en souden connen sonder groot verlies
wtgheven is besproken dat de Ghe-deputeerde vande Gene-
rale Staten/ ten eersten moghelick zijnde/ adviser en sullen/
omme daer of te nemen eenen generalé voet/ ten fine dat den
cours vande voorsz munte eenvoudich ghestelt zy/ alsoo nae
als doenlick is/ tot onderhoudemisse van deser Unie ende van
de ghemeynen Coophandel aen weder zijden.

XXIII.

Voorts op het vertoogh gedaen byde Gedeputeerde van
Hollandt/ ende Zeelandt/ ten fine dat die generaliteydt van
alle de Nederlandē souden t' heuren laste nemen alle die schul-
den die mijn Heere den Prince ghercontracteert heeft/ omme
te doen zijne twee Expeditien ende geweldighe Heyzochten
den welcken soo wel die van Hollandt ende Zeelandt/ als den
Provincien ende Steden/ die hen inden laetsten tocht over-
gaven/verbonden hebben gehad/ (soo sy seyden) Is het self-
de punct ghestelt ende ghelaeten ter discretie ende determina-
tie vande voorsz Generale Staten/ den welcken allen saken
gheappaiseert zijnde daer van rapport ofte remonstrantie
ghedaen sal worden/ om dien aengaende sulcken regard ge-
nomen te worden alst behoort.

XXV.

In dit gemeyn Accordt ende Pacificatie en sullen niet be-
grepen zijn/ om te genieten t' beneficie van dien/ die Landen/
Heerlijckheden/ende Steden/ houdende partie contrarie/ tot
dat sy hun effectuelicken sullen gheboecht hebben met deser
Confederatie/ Welc spluyden sullen mogen doen alst heur-
lieden

lieden belieft.

XXVI.

Welck Tractaet ende Vredehandel/naer rapport aggrega-
tie ende aduocement soo wel vanden Heeren gecommiteerte
totten Gouvernemente van den Lande/ als oock van den
Staten der selven eenlaemelick/ van mijn Heere de Prince/
Staten van Hollandt/ Zeelandt ende Gheassocieerde in alle
de voorsz Puncten ende Articulen/ oock mede alle tgene dat
by de voorsz Generale Staten int ghene voorsz is/ en anders
ghedefineert ende geordonneert sal worden: Die voorsz Ge-
deputeerde hebben wt crachte van heurlieder povoiren ende
commisfie belooft ende bezworen/ belooven ende zweeren by
desen onverbzekelick t' observeren/ t' onderhouden/ ende vol-
comen/ Ende al het selve over d' een ende dandze zijde/ te doen
respectivelicken ratificeren/ zweeren/ teecken/ ende zeghelen
byden Prelaten/ Edelen/ Steden/ ende andere Redē vanden
voorsz Landen/ Sonderlinge ooc byden voorsz Heere Prin-
ce/ soo wel int generael als int periculier/ binnen een Maent
naestcomende t' elck ghenoeghen. Ende in kennisse van al
t' ghene voorsz is/ hebben de voorsz Ghedeputeerden dese je-
ghenwoordighe Onderteeckent int Schepenhups vande
Stat van Gent/ den viij. Novembris/ M. D. LXXIIJ.

Ende was Onderteecknet by allen den ghenen die
voor in die Prefatie ghenoemt zijn.

Copie vande Publicatie der voorſz Pacificatie
ghedaen tot Gendt, int laer ende datum
als boven.

MEn laet vveten eenen yeghelijcken, dat goede, vafte
ende onverbrekelycke Vrientſchap, Vrede, ende Peys gemaect
is, tuſſchen die generale Staten vanden Landen van Brabandt,
Vlaenderé, Artoys, Henegouwe, Rijſſel, Douway, Orchie, Namen
Doornick, Wtrecht, ende Mechelen, van wegghen den ſelven Landen, den Ste-
den ende Vlecken van dien, niet weſende onder ſubjectie ofte gheweldt der
voorſz Spaengniaerden ter eenre zijde, ende mijn Heere Prince van Orangi-
en, de Staten van Hollandt ende Zeelandt met henlieden gheaffocierde ter
andere, Wt crachte vanden welcken de Onderſaeten aen weer zijden zullen
weder keren tot haerlieder goedinghen, ende ſullen moghen voorts aen over
al conuérſeren, gaen, comen, wonen, ende handelen Coopmans gewijſe ende
anders, in alle vryheyt ende zekerheyt, ſoomen breeder by de Poincten ende
Articulen, daer aff de Exemplaren ſullen wtghegheven worden, verſtaen ſals
Ende men beveelt elcke van zijne Ma. ende vanden voorſz Generale Staten
wegghen, t'gheheele inhouden vande ſelve Pacificatie te onderhouden ende
volcomen, ſonder daer tegens te gaene in eenigher manieren, op de pene van
geſtraft te zijne als overbrekers van dien, ende perturbateurs vande gheme-
ne weluaert.

Wel verſtaende dat hier inne niet begrepen en zijn die van Haerlem, Am-
ſterdam, Schoonhooven, Oudewater ende alle andere ſteden van Hollandt,
aldaer die Garniſoenen der Vianden hen alſnoch onthouden mogen verbie-
den over ſulcx wel ſcherpelické den ſelven eenige toevoeringe van goederen
te doene, ofte met hemluyden eenichſins te handelen, frequenteren ofte co-
mercieren in eenigher voegghen, voor ende aleer dat de ſelve Steden met den
generalen Staten voornoemt, metter daet hen ghevoeght ſullen hebben. Op
verbeurte van Lijf ende goet.



